



Direktoratet for mineralforvaltning
med Bergmesteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 07.12.2015
Vår ref: 15/00055-7
Deres ref:

Høring av søknad frå Volda Maskin AS om driftskonsesjon for Naustdalstranda i Eid kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 40 50
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om driftskonsesjon etter § 43 i lov om erverv og utvinning av mineralressursar (minerallova) frå Volda Maskin AS, datert 18. desember 2014.

Søknaden med vedlegg er tilgjengeleg på DMF si heimeside: <http://www.dirmin.no/> under "Saker til høring". Høyringsinstansane kan få tilsendt papirutgåve av søknaden ved førespurnad.

Høyringsfristen er **17. januar 2016**.

Søknaden

Naustdalstranda er lokalisert på gnr./bnr. 20/2 og 20/93 i Eid kommune. Området som det søkast om driftskonsesjon for er 39,6 dekar. Det er anslått at uttakets totalvolum er 500 000 m³ masse. Forventa årlig uttak er 20 000 m³. Førekomsten er oppgitt å bestå av gneis, stedvis granodiorittisk, og skal først og fremst brukast til pukk, grus og murstein.

Området er i reguleringsplan «Masseuttak på gnr. 20, bnr. 2 og 4» datert 31. august 2001, regulert til masseuttak/steinbrot. Planen er revidert 25. oktober 2001 og 7. desember 2011.

DMFs behandling av søknaden

Formålet med minerallova er å fremme og sikre samfunnsmessig forsvarleg forvaltning og bruk av mineralressursane i samsvar med prinsippet om berekraftig utvikling.

DMF er konsesjonsstyresmakt i saker med samla uttak av mineralførekomstar på meir enn 10 000 m³ masse og for alle uttak av naturstein.

DMF sender søknadene, inkludert driftsplanar, på høring til aktuelle høyringsinstansar jf. forvaltningslova § 17. Dette vil normalt vere grunneigaren og andre kjende rettshavarar, eigarar, drivarar og bebuarar og andre kjende rettshavarar på naboeigedommar som kan bli påverka, i tillegg til kommunen (kommunane), fylkeskommunen og statlege forvaltningsorgan.



Søkjaren får høve til å kommentere innkomne høyringsfråsegner før DMF gjer vedtak.

Innkomne konsesjonssøknader blir underlagde ei skjønsmessig prøving hos DMF før vi avgjer om vi skal gi driftskonsesjon. Ved vurderinga av om vi skal gi driftskonsesjon, legg vi vekt på om søkjaren er «skikka» til å utvinne førekomsten, det vil seie om prosjektet verkar gjennomførleg økonomisk, om det er lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. Ved vurderinga av om vi skal gi driftskonsesjon, skal vi òg leggje vekt på

- kva innverknad tiltaket vil ha på verdiskaping og næringsutvikling
- kva innverknad tiltaket eventuelt vil ha på naturgrunnlaget for samisk kultur, næringsliv og samfunnsliv
- kva innverknad tiltaket vil ha på omgivnadene og nærliggjande område under drifta
- kva konsekvensar ei utvinning vil ha for miljøet
- kva for planar som ligg føre for etterbruk eller tilbakeføring av området

Dersom DMF gir driftskonsesjon, er det normalt knytt vilkår til denne, jf. minerallova 43. Vilkåra omfattar blant anna krav om driftsplan, økonomisk garanti osv.

DMF gjer merksam på at ein driftskonsesjon gitt i medhald av minerallova ikkje erstattar krav om løyve, godkjenning, arealplan eller konsesjon etter anna lovgiving. Det er søkjaren som har ansvaret for å innhente slike løyve.

Nærmare om høyringsfråsegnene

Vi oppfordrar høyringsinstansane til å komme med grunngitte synspunkt på om DMF bør gi konsesjon eller ikkje, under dette komme med konkrete forslag til avbøtande tiltak og vilkår som bør stillast med tanke på det ansvarsområdet den aktuelle instansen er sett til å forvalte. Frå private partar ber vi òg om innspel dei reknar som relevante ut frå konkrete forhold i den aktuelle saka. Dersom høyringsinstansen er kjend med forhold som ikkje er tilstrekkeleg klarlagde i søknaden, ønskjer vi opplysningar om det.

Generelle kommentarar knytte til arealbruk i området skal ikkje vurderast ved ein søknad om driftskonsesjon. Dette er sikra gjennom plan- og bygningslova. Synspunkt knytte til kommunens allereie vedtekne arealdisponering (arealplan, reguleringsplan og eventuell dispensasjon frå reguleringsplan) vil vi derfor ikkje leggje særleg vekt på ved vurderinga.

Vi ber kommunen spesielt informere oss snarast mogleg om det finst særleg påverka partar som ikkje står på adresselista. Vi ber også kommunen om å informere DMF om planstatus for uttaket.

Så langt DMF kan sjå er det ikkje tidlegare gjort noko vurdering av tiltaket sine konsekvensar for miljø. DMF ber kommune og fylkesmannen opplyse om kjente naturverdiar i området som bør belysast i saken.

DMF ber fylkeskommunen belyse om det ligg føre kjente kulturminner som kan bli råka av uttaket.



Av erfaring vet vi at avrenning, støy og støv kan være utfordrende for nærmiljøet. DMF ber spesielt fylkesmannen uttale seg om eventuell forureiningsproblematikk som kan være viktig for å belyse saken.

Innsending av høringsfråsegner

Vi ber om at høringsfråsegna blir send innan fristen **17. januar 2016**, på e-post til **mail@dirmin.no** eller ordinær post til: **Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim.**

Delar av høringsfråsegner kan bli siterte i vedtaket om å gi konsesjon eller ikkje. Dersom fråsegna er omfattande, er det derfor ein fordel om det blir utarbeidd eit samandrag som kan brukast til dette.

Vennleg helsing

Ingeborg Solberg
seniorrådgivar

Marit Ollestad
saksbehandlar

Dokumentet er elektronisk signert og har derfor ikkje handskrivne signaturar.
Saksbehandlar: Marit Ollestad

Mottakere:

Eid kommune	Postboks 98	6771 NORDFJORDEID
Direktoratet for samfunnssikkerhet og beredskap	Postboks 2014	3103 TØNSBERG
Sogn og Fjordane fylkeskommune	Fylkeshuset, Askedalen 2	6863 LEIKANGER
Fylkesmannen i Sogn og Fjordane	Njøsav. 2	6863 LEIKANGER
Statens vegvesen Region vest	Askedalen 4	6863 LEIKANGER
Ottar Smørødal		6770 NORDFJORDEID
Pål Amund Naustdal		6770 NORDFJORDEID
Frode Naustdal		6770 NORDFJORDEID
Øystein Røed		6770 NORDFJORDEID

Kopi til:

Volda Maskin AS	Hamngata 3	6100 VOLDA
-----------------	------------	------------